

national
museum
wales
amgueddfa
cymru



Llywodraeth Cymru
Welsh Government

Pecyn gwybodaeth i ymgeiswyr

Amgueddfa Cymru

Penodi 2 Ymddiriedolwr

Dyddiad Cau: 16:00 06 Mawrth 2020



Rheoleiddiwyd gan y
Comisiynydd Penodiadau
Cyhoeddus

Cynnwys

| | | Tudalen |
|--------------------|---------------------------------------------|-----------|
| Gwneud Cais | | 2 |
| Atodiad A | Rôl a Chyfrifoldebau Amgueddfa Cymru | 4 |
| Atodiad B | Swyddogaeth a Chyfrifoldebau'r Bwrdd | 6 |
| | Swyddogaeth Ymddiriedolwr | 6 |
| Atodiad C: | Y Broses Ddethol | 10 |

Amgueddfa Cymru

Gwneud Cais

Diolch am fynegi diddordeb yn swydd Ymddiriedolwr Amgueddfa Cymru. Mae'r Atodiadau sydd ynghlwm yn rhoi rhagor o fanylion am fanyleb y person; am rôl a chyfrifoldebau'r Bwrdd Ymddiriedolwyr ac Amgueddfa Cymru; ac am y broses ddethol.

I gyflwyno cais ewch i wefan penodiadau cyhoeddus Llywodraeth Cymru yma: <https://cymru-wales.tal.net/vx/lang-cy/mobile-0/appcentre-3/brand-2/xf-aa5de50327d1/candidate/jobboard/vacancy/7/adv/>

I wneud cais am y swydd hon, cliciwch ar y swydd wag ac yna cliciwch y botwm 'Gwneud Cais' ar waelod y dudalen ar yr ochr chwith. Y tro cyntaf ichi wneud cais am swydd, bydd angen ichi lenwi ffurflen gofrestru ar gyfer system ceisiadau ar-lein Llywodraeth Cymru. Dim ond unwaith y mae angen ichi gofrestru, a thrwy wneud hynny byddwch yn gallu dilyn hynt eich cais, ac unrhyw geisiadau eraill rydych yn eu hanfon, trwy'ch cyfrif.

Ar ôl cofrestru, byddwch yn gallu gweld y ffurflen gais. I wneud cais, bydd angen ichi uwchlwytho datganiad personol a CV i'r adran 'Rhesymau dros ymgeisio' ar y ffurflen gais ar-lein.

Datganiad Personol

Y datganiad personol yw eich cyfle i:

- 1) ddisgrifio eich diddordeb yn y swydd
- 2) ddangos sut yr ydych yn bodloni'r holl feini prawf a nodir ym manyleb y person, a'r meini prawf hanfodol
- 3) ddisgrifio sut y gallech gyfrannu at waith Amgueddfa Cymru.

Chi sydd i benderfynu sut i gyflwyno'r wybodaeth. Fodd bynnag, dylech anelu at ddarparu enghreifftiau manwl sy'n dangos sut y mae'ch gwybodaeth a'ch profiadau yn cyd-fynd â phob maen prawf ac sy'n disgrifio'ch cyfraniad chi at gyflawni canlyniad penodol. Bydd hefyd o fudd i'r panel dethol os gallwch nodi'n glir pa dystiolaeth benodol sy'n berthnasol i ba faen prawf. Mae'n arfer cyffredin darparu paragraffau ar wahân mewn perthynas â phob maen prawf.

Ni ddylai'r datganiad personol fod yn fwy na dwy dudalen.

Curriculum Vitae

Sicrhewch fod eich CV yn cynnwys manylion bras eich swydd bresennol neu eich swydd ddiweddaraf a'ch dyddiadau yn y swydd honno. Nodwch unrhyw benodiadau Gweinidogol presennol neu flaenorol hefyd.

Amserlen fras

| | |
|--------------------|-----------------------------|
| Dyddiad cau: | 16:00 06 Mawrth 2020 |
| Llunio rhestr fer: | Mawrth 2020 |
| Cyfweliadau: | Ebrill 2020 |

Amgueddfa Cymru

Datganiad Amrywiaeth

Mae Llywodraeth Cymru ac Amgueddfa Cymru o'r farn y dylai aelodau byrddau cyrff cyhoeddus adlewyrchu'r gymdeithas yng Nghymru – pobl o bob cefndir – er mwyn eu helpu i ddeall anghenion pobl a gwneud penderfyniadau gwell. Felly, rydym yn annog amrywiaeth eang o unigolion i wneud cais am y penodiad hwn. Rydym yn croesawu'n arbennig geisiadau gan bob grŵp sydd heb gynrychiolaeth ddigonol gan gynnwys menywod, pobl dan 30 oed, pobl o gefndir du, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Cynllun Gwarantu Cyfweliad – Yn Gadarn o Blaid Anabledd

Mae Llywodraeth Cymru yn gweithredu cynllun Cadarn o Blaid Anabledd. Mae'r cynllun yn gwarantu cyfweliad i bobl anabl os ydynt yn bodloni'r meini prawf sylfaenol ar gyfer y swydd a ddisgrifir yn ddiweddarach yn y ddogfen hon. Mae'r ffurflen gais hefyd yn gyfle ichi nodi unrhyw addasiad rhesymol y gallai fod ei angen arnoch os cewch eich gwahodd i gyfweliad.

Manylion Cyswllt:

I gael rhagor o wybodaeth am rôl Ymddiriedolwr Amgueddfa Cymru cysylltwch ag Elaine Cabuts (e-bost: elaine.cabuts@amgueddfacymru.ac.uk, rhif ffôn: 02920 573204).

Os oes angen rhagor o gymorth arnoch i wneud cais am y swydd hon, anfonwch neges e-bost at: penodiadaucyhoeddus@llyw.cymru.

Amgueddfa Cymru

Atodiad A

GWYBODAETH I YMGEISWYR

Rolau a chyfrifoldebau Amgueddfa Cymru

Cyflwyniad

Amgueddfa Cymru yw sefydliad diwylliannol pwysicaf Cymru, mae'n adnabyddus ar draws y byd ac mae wrth wraidd y genedl. Mae 1.9 miliwn o bobl yn ymweld ag Amgueddfa Cymru bob blwyddyn, a dyma gartref casgliadau cenedlaethol celf, hanes a gwyddorau amgylcheddol Cymru. Yn 2020, bydd y sefydliad yn adolygu ei frand ac yn datblygu strategaeth 10 mlynedd newydd, er mwyn sicrhau y gall rhagor o bobl rannu a defnyddio'i horielau, rhaglenni a chasgliadau, a chael eu hysbrydoli ganddynt.

Cefndir

Ers ei sefydlu trwy Siarter Frenhinol ym 1907, mae Amgueddfa Cymru wedi cefnogi miliynau o bobl wrth iddynt ymchwilio i'r gorffennol, y presennol a'r dyfodol posibl, ac rydym wedi casglu, diogelu a rhannu eu casgliadau a'u hatgofion â'r genedl. Yn fwy diweddar, mae wedi bod yn datblygu model newydd ar gyfer amgueddfeydd cenedlaethol, yn seiliedig ar egwyddorion democratiaeth ddiwylliannol, yn ogystal â dod yn arweinydd ym maes addysg ac ymgysylltiad trwy gyfranogiad diwylliannol. O'r herwydd, enillodd Sain Ffagan Amgueddfa Werin Cymru wobwr Amgueddfa'r Flwyddyn y Gronfa Gelf yn 2019, yn dilyn project ailddatblygu gwerth £30 miliwn. Cymerodd miloedd o bobl ran yn y gweddnewid.

Mae Amgueddfa Cymru yn deulu o saith amgueddfa: Amgueddfa Genedlaethol Caerdydd; Sain Ffagan Amgueddfa Werin Cymru; Big Pit Amgueddfa Lofaol Cymru, Blaenafon; Amgueddfa Wlân Cymru, Dre-fach Felindre; Amgueddfa Lleng Rufeinig Cymru, Caerllion; Amgueddfa Lechi Cymru, Llanberis, ac Amgueddfa Genedlaethol y Glannau, Abertawe. Mae gan Amgueddfa Cymru Ganolfan Gasgliadau Genedlaethol hefyd yn Nantagrw, ger Caerdydd.

Noddir Amgueddfa Cymru gan Lywodraeth Cymru, fel Corff a Noddir gan Lywodraeth Cymru. Mae ganddi Fwrdd Ymddiriedolwyr sydd â'r swyddogaeth o bennu cyfeiriad strategol y sefydliad, sicrhau y caiff Gweledigaeth ac amcanion y corff eu gwireddu a sicrhau'r defnydd priodol o'i hadnoddau. Cyllideb Amgueddfa Cymru ar gyfer 2019-20 yw £24 miliwn ac mae'n cyflogi dros 600 aelod staff.

Gweledigaeth Amgueddfa Cymru 'Ysbrydoli pobl, newid bywydau'

Ein pwrpas yw defnyddio ein hamgueddfeydd a'n casgliadau i ysbrydoli pobl i feithrin eu hunaniaeth a'u lles; i ddarganfod, mwynhau a dysgu'n ddwyieithog a deall lle Cymru yn y byd.

Mae ein gwaith yn seiliedig ar yr egwyddor y caiff diwylliant ei greu gan bobl a chymunedau. Mae ein casgliadau ac adnoddau eraill yn dod yn rhannol o'r gymdeithas yr ydym yn rhan ohoni, ac yn cael eu hadnewyddu'n barhaus trwy ein gwaith gyda'r cyhoedd. Mae ein casgliadau gwyddorau naturiol yn cael effaith ar fioamrywiaeth a geoamrywiaeth Cymru a gellid eu cymharu â chasgliadau o faint

Amgueddfa Cymru

byd-eang. Rydym yn atebol i'r genedl yr ydym yn ei gwasanaethu am ein defnydd o'r adnoddau hyn.

Mae gan yr Amgueddfa gynlluniau partneriaeth pwysig ag amgueddfeydd ac orielau lleol ym mhob cwr o Gymru, ac eir ati i ddatblygu arddangosfeydd sy'n manteisio ar y casgliadau cenedlaethol sydd gan yr Amgueddfa.

Cefnogir y Weledigaeth gan yr ymrwymïadau canlynol:

- Ffynnu
- Profiad
- Dysgu
- Cyfranogi

Amgueddfa Cymru

Atodiad B

Swyddogaeth a Chyfrifoldebau'r Bwrdd

Bwrdd yr Ymddiriedolwyr yw corff llywodraethu Amgueddfa Cymru ac mae'n dal casgliadau'r Amgueddfa mewn ymddiriedolaeth ar ran pobl Cymru. Rôl y Bwrdd yw arwain yn effeithiol, diffinio a datblygu cyfeiriad strategol a gosod amcanion heriol. Mae'r Bwrdd yn hyrwyddo safonau uchel o atebolrwydd cyhoeddus ac yn cynnal egwyddorion rheoleidd-dra, priodoldeb a gwerth am arian. Mae'n monitro perfformiad yn unol â nodau, amcanion a thargedau perfformiad Amgueddfa Cymru.

Mae Amgueddfa Cymru yn elusen gofrestredig ac yn Gorff a Noddir gan Lywodraeth Cymru. Mae gan Ymddiriedolwyr rwymedigaethau i Lywodraeth Cymru ac i Gynulliad Cenedlaethol Cymru. Ar hyn o bryd, mae Amgueddfa Cymru yn derbyn tua 80% o'i chyllid blynyddol (tua £22 miliwn o gyllid refeniw yn 2019-20) gan Lywodraeth Cymru ar ffurf Cymorth Grant.

Swyddogaeth Ymddiriedolwr

Yr Ymddiriedolwyr yw corff llywodraethu Amgueddfa Cymru i bob pwrpas, a'u rôl yw pennu cyfeiriad strategol y sefydliad a sicrhau bod yr adnoddau yn cael eu rheoli yn briodol. Mae Ymddiriedolwyr yn cefnogi'r Cyfarwyddwr Cyffredinol i wireddu Gweledigaeth yr Amgueddfa sef *'Ysbrydoli pobl, newid bywydau'*.

Mae'n rhaid i Ymddiriedolwyr hefyd wneud y canlynol:

- rhoi eu profiad a'u harbenigedd i'r Amgueddfa;
- cyfrannu at y gwaith o lunio polisïau, strategaethau a blaenoriaethau wrth reoli casgliadau'r Amgueddfa;
- mynychu cyfarfodydd y Bwrdd a chyfarfodydd y Pwyllgor Adolygu Perfformiad a pharatoi'n drylwyr ar eu cyfer;
- gwasanaethu ar is-bwyllgorau a grwpiau eraill;
- cefnogi rheolwyr a staff yr Amgueddfa wrth eu gwaith;
- cynrychioli'r Amgueddfa mewn digwyddiadau cyhoeddus;
- hyrwyddo proffil yr Amgueddfa; a
- hwyluso'r cysylltiadau â rhanddeiliaid yr Amgueddfa.

Mae gofyn i Ymddiriedolwyr fod yn ymwybodol hefyd o'u rhwymedigaethau yn sgil y ffaith bod yr Amgueddfa yn Gorff a Noddir gan Lywodraeth Cymru. Nodir y rhwymedigaethau yn y Ddogfen Fframwaith, sy'n pennu'r Amodau a Thelerau sy'n gysylltiedig â'r nawdd a roddir gan Lywodraeth Cynulliad Cymru i'r Amgueddfa.

MEINI PRAWF SYLFAENOL

I fod yn effeithiol, mae ar y Bwrdd angen Ymddiriedolwyr amrywiol iawn eu harbenigedd a'u profiad. Ar gyfer yr ymgyrch recriwtio hon rydym yn awyddus i benodi Ymddiriedolwyr a chanddynt brofiad mewn un neu fwy o'r meysydd canlynol:

- addysg, cyfranogiad ac ymgysylltiad cymunedol;
- iechyd a lles;
- marchnata a chyfathrebu;
- y diwydiannau creadigol, dylunio a thechnoleg;

Amgueddfa Cymru

- codi arian, masnach a chynhyrchu incwm.

(Dylai eich datganiad personol nodi pa un neu rai o'r meysydd hyn y mae gennych brofiad ohonynt)

Dylai ymgeiswyr hefyd allu dangos eu bod yn meddu ar wybodaeth, sgiliau a phrofiad mewn ystod o'r meysydd canlynol:

- ymrwymiad a brwdfrydedd dros waith yr Amgueddfa i gefnogi newid a datblygiad yng Nghymru drwy gyfranogiad diwylliannol;
- dealltwriaeth a diddordeb yn y sector diwylliannol yn ei gyfanrwydd a sensitifrwydd ynghylch materion diwylliannol;
- sgiliau cynrychioli a chyfathrebu rhagorol;
- y gallu i gydweithio â'ch cyd-Ymddiriedolwyr;
- gwerthfawrogiad o'r gwahaniaeth rhwng swyddogaeth weithredol a swyddogaeth anweithredol;
- ymrwymiad i faterion cydraddoldeb ac i herio arferion gwahaniaethol lle bo hynny'n briodol.

Dylai ymgeiswyr allu dangos bod ganddynt:

- ymrwymiad i werthoedd a gweledigaeth Amgueddfa Cymru, gan werthfawrogi ei swyddogaeth a'i phwrpas fel sefydliad cenedlaethol yng Nghymru; gan gynnwys y cyd-destun diwylliannol, addysg, iechyd a llesiant, economaidd a chymdeithasol-wleidyddol y mae'n gweithredu o fewn iddo; a dealltwriaeth o'i rhwymedigaethau o dan Ddeddf Llesiant Cenedlaethau'r Dyfodol (Cymru) 2015;
- y gallu i wella swyddogaeth yr Amgueddfa wrth wasanaethu a chynrychioli amrywiol gymunedau a rhanbarthau Cymru; ac
- ymrwymiad i 'Saith Egwyddor Bywyd Cyhoeddus Nolan <https://www.gov.uk/government/publications/the-7-principles-of-public-life> (Saesneg yn unig).

Y Gymraeg

Mae'r gallu i siarad Gymraeg yn ddymunol ar gyfer y swydd hon.

Mae'r Amgueddfa yn sefydliad dwyieithog ac yn rhagweithiol wrth gefnogi a hyrwyddo'r defnydd o'r iaith Gymraeg. Mae'n ofynnol i'r Amgueddfa gydymffurfio â Safonau'r Iaith Gymraeg, fel y pennwyd gan Lywodraeth Cymru o dan Adran 44 Mesur yr Iaith Gymraeg (Cymru) 2011.

Polisi prif noddwr yr Amgueddfa, Llywodraeth Cymru, yw cefnogi'r iaith Gymraeg, ac mae ei Strategaeth ar gyfer y Gymraeg (Cymraeg 2050 – Miliwn o Siaradwyr Cymraeg) yn hyrwyddo ac yn hwyluso'r defnydd o'r iaith Gymraeg.

Ymrwymiad Amser

O leiaf 12 diwrnod y flwyddyn, gan gynnwys paratoi ar gyfer cyfarfodydd a'u mynychu, a mynychu digwyddiadau.

Lleoliad

Amgueddfa Cymru

Cynhelir cyfarfodydd Bwrdd yr Ymddiriedolwyr a'r Pwyllgor Rheoli Perfformiad 8 gwaith y flwyddyn. Cynhelir cyfarfod y Bwrdd, cyfarfodydd Pwyllgor a digwyddiadau ar draws Cymru.

Cyfnod yn y Swydd

Penodir Ymddiriedolwyr y Bwrdd gan Lywodraeth Cymru ac Amgueddfa Cymru. Yn yr achos hwn, Amgueddfa Cymru fydd yn penodi'r ddau Ymddiriedolwr. Rhagwelir y bydd pob swydd yn dechrau ar **01 Mehefin 2020**.

Cymorth ar gyfer Aelodau Anabl

Caiff pob addasiad rhesymol ei wneud er mwyn galluogi aelodau i gymryd rhan yng ngweithgareddau'r Bwrdd a chyflawni eu dyletswyddau yn effeithiol.

Pwy sy'n gymwys i wneud cais?

Dylai ymgeiswyr fod yn bobl sy'n ymddwyn bob amser mewn modd a fydd yn ennyn hyder y cyhoedd.

Yn arbennig, rhaid i'r ymgeiswyr ddatgan a ydynt yn gwybod am unrhyw beth yn eu bywydau preifat neu broffesiynol, a allai achosi embaras iddynt hwy neu i Lywodraeth Cymru petai'n dod yn wybyddus ar ôl eu penodi.

Nodir gwybodaeth sy'n esbonio a yw Ymddiriedolwyr cyfredol neu gyn Ymddiriedolwyr yn gymwys i wneud cais am swydd ar y Bwrdd yn Siarter Frenhinol Amgueddfa Cymru: <https://amgueddfa.cymru/siarter-a-statudau/>.

Ni chaiff Ymddiriedolwyr wasanaethu ar y Bwrdd am fwy nag 8 mlynedd yn olynol yn yr un rôl, neu gyfanswm o 12 mlynedd yn olynol (mewn unrhyw gyfuniad o rolau gwahanol yn Ymddiriedolwr ac yn Swyddog; e.e. Trysorydd, Is-lywydd neu Lywydd). Caiff cyn Ymddiriedolwyr wneud cais ar yr amod bod mwy na phedair blynedd wedi mynd heibio ers iddynt fod yn Ymddiriedolwyr.

Dylai ymgeiswyr hefyd nodi y bydd bod yn aelod o Fwrdd Ymddiriedolwyr Amgueddfa Cymru yn golygu na fyddant yn gymwys i fod yn aelod o Gynulliad Cenedlaethol Cymru o dan Orchymyn Cynulliad Cenedlaethol Cymru (Anghymhwyso) 2015 <https://www.legislation.gov.uk/cy/uksi/2015/1536/body/made/welsh>.

Gwrthdaro Buddiannau

Bydd gofyn ichi ddatgan unrhyw fuddiannau preifat a allai, neu y gellid dehongli eu bod, yn gwrthdaro â'ch rôl a'ch cyfrifoldebau fel Ymddiriedolwr Amgueddfa Cymru, gan gynnwys buddiannau busnes neu swyddi o awdurdod y tu allan i'ch rôl yn Amgueddfa Cymru.

Bydd unrhyw wrthdaro buddiannau yn cael ei drafod yn y cyfweiliad. Os byddwch yn cael eich penodi, bydd gofyn ichi hefyd ddatgan y buddiannau hyn ar gofrestr sydd ar gael i'r cyhoedd.

Amgueddfa Cymru

Safonau mewn bywyd cyhoeddus

Bydd disgwyl ichi arddel safonau uchel o ymddygiad corfforaethol a phersonol. Bydd gofyn i bob ymgeisydd llwyddiannus gadw at y Cod Ymddygiad ar gyfer Aelodau Byrddau Cyrff Cyhoeddus; mae'r ddogfen honno i'w gweld yma:

<http://www.bl.uk/aboutus/governance/blboard/Board%20Code%20of%20Practice%202011.pdf> (Saesneg yn unig).

Amgueddfa Cymru

Atodiad C

Y Broses Ddethol

Bydd y panel cyfweld yn asesu CV a datganiad personol pob ymgeisydd i benderfynu pwy sy'n bodloni'r meini prawf ar gyfer y rôl orau, a phwy fydd yn cael eu gwahodd i gyfweiliad. Bydd y panel yn dibynnu ar yr wybodaeth yn eich CV a'r datganiad i asesu a ydych yn meddu ar y sgiliau a'r profiad gofynnol. Cofiwch wneud yn siŵr eich bod yn darparu tystiolaeth i ddangos sut rydych yn bodloni pob un o'r meini prawf hanfodol.

Bydd y panel dethol yn cynnwys cynrychiolwyr Amgueddfa Cymru, Llywodraeth Cymru ac Aelod Panel Annibynnol Uwch. Bydd ymgeiswyr ar y rhestr fer yn cael gwybod pwy fydd ar y panel cyn y cyfweiliad.

Rydym yn rhagweld y bydd y panel yn penderfynu pwy fydd yn cael eu gwahodd i gyfweiliad erbyn canol mis Mawrth.

Yr unig ymgeiswyr fydd yn cael eu gwahodd i gyfweiliad fydd yr ymgeiswyr cryfaf a fydd, ym marn y panel, wedi dangos eu bod yn cwrdd â gofynion meini prawf sylfaenol. Fodd bynnag, os ydych wedi gwneud cais o dan y cynllun gwarantu cyfweiliad, a'ch bod yn bodloni'r meini prawf sylfaenol ar gyfer y swydd, cewch chithau hefyd eich gwahodd i gyfweiliad..

Os cewch eich gwahodd i gyfweiliad ac nad yw'r dyddiad eisoes wedi'i nodi yn y pecyn gwybodaeth hwn, byddwn yn ceisio rhoi cymaint o rybudd â phosibl ichi am ddyddiad y cyfweiliad. Os na allwch fod yn bresennol ar y dyddiad hwnnw, byddwn yn ceisio ad-drefnu ond efallai na fydd hynny'n bosibl oherwydd cyfyngiadau amser o fewn yr amserlen benodi neu oherwydd na fydd y panel dethol ar gael.

Fe gewch e-bost gan y system Penodi i roi gwybod ichi a ydych wedi eich gwahodd i gyfweiliad ai peidio. Ein bwriad yw cynnal cyfweiliadau yn Amgueddfa Cymru yng Nghaerdydd.

Os cewch eich gwahodd i gyfweiliad, bydd y panel yn eich holi am eich sgiliau a'ch profiad ac yn gofyn cwestiynau penodol i asesu a ydych yn bodloni'r meini prawf a bennwyd ar gyfer y swydd ai peidio.

Bydd ymgeiswyr yn cael eu penodi gan y Panel. Bydd bwlch amser rhwng y cyfweiliad a'r penderfyniad penodi terfynol. Bydd yr ymgeiswyr a gafodd eu cyfweld yn derbyn yr wybodaeth ddiweddaraf.

Os byddwch yn llwyddiannus, cewch llythyr yn eich gwahodd i dderbyn y penodiad fel Ymddiriedolwr Amgueddfa Cymru, a bydd y llythyr hwnnw'n cadarnhau telerau'r penodiad hefyd.

Os na fyddwch yn llwyddiannus ar ôl cael cyfweiliad, bydd Llywodraeth Cymru yn rhoi gwybod ichi. Rydym yn gwerthfawrogi bod angen llawer o amser ac ymdrech i ymgeisio am swyddi a bod rhoi adborth yn rhan werthfawr o'r broses. O'r herwydd, bydd y llythyr yn rhoi manylion yr unigolyn y gallwch gysylltu ag ef i gael adborth ar eich cyfweiliad a'ch cais, os byddwch yn dymuno gwneud hynny.

Amgueddfa Cymru

Ymholiadau

Am ymholiadau ynghylch eich cais cysylltwch â penodiadaucyhoeddus@llyw.cymru.

Os nad ydych yn hollol fodlon

Nod Llywodraeth Cymru yw prosesu'r holl geisiadau mor gyflym â phosibl a thrin pob ymgeisydd yn gwrtais. Os oes gennych unrhyw gwynion am y ffordd yr ymdriniwyd â'ch cais, cysylltwch â penodiadaucyhoeddus@llyw.cymru.